

西安碑林全集

開成石經

第一七四卷 春秋公羊傳



加一衣則脫然愈復損一
衣則脫然愈止進藥而藥
殺是以君子加弑焉曰
許世子止弑其君買是君
子之聽止也葬許悼公是
君子之赦止也赦止者免

止之罪辭也

廿年春王正月夏曹公孫

會自鄆出奔宋奔未有言

自者此其言自何畔也畔

則曷爲不言其畔爲公子

喜時之後諱也春秋爲賢

者諱何賢乎公子喜時讓
國也其讓國奈何曹伯廬
卒于師則未知公子喜時
從與公子負刳從與或爲
主于國或爲主于師公子
喜時見公子負刳之當主

也逡巡而退賢公子喜時
則曷爲爲會諱君子之善
善也長惡惡也短惡惡止
其身善善及子孫賢者子
孫故君子爲之諱也秋盜
殺衛侯之兄輒母兄稱兄

兄何以不立有疾也何疾
爾惡疾也冬十月宋華死
向甯華定出奔陳十有一
月辛卯蔡侯廬卒
廿有丁丑春王三月葬蔡
平公夏晉侯使士鞅來聘

宋華亥向窋華定自陳入
于宋南里以畔宋南里者
何若曰因諸者然秋七月
壬午朔日有食之八月乙
亥叔痤卒冬蔡侯朱出奔
楚公如晉至河乃復

十有二年春齊侯伐莒宋

華亥向甯華定自宋南里

出奔楚大蒐于昌姦夏四

月己丑天王崩六月叔鞅

如京師葬景王王室亂何

言乎王室亂言不及外也

子單子以王猛居于皇
其稱王猛何當國也秋劉
子單子以王猛入于王城
王城者何西周也其言入
何篡辭也冬十月王子猛
卒此未踰年之君也其稱

王子猛卒何不與當也不
與當者不與當父死子繼
兄死弟及之辭也十有二
月癸酉朔日有食之
十有三年春王正月叔孫
舍如晉癸丑叔鞅卒晉人

執我何人叔孫舍晉人圍
郊郊者何天子之邑也曷
爲不繫于周不與伐天子
也夏六月蔡侯東國卒于
楚秋七月莒子庚與來奔戊
辰吳敗頓胡沈蔡陳許之

師于雞父胡子髡沈子楹
滅獲陳夏齧此偏戰也曷
爲以詐戰之辭言之不與
夷狄之主中國也然則曷
爲不使中國主之中國亦
新夷狄也其言滅獲何別

君臣也君死于位曰滅生
得曰獲大夫生死皆曰獲
不與夷狄之主中國則其
言獲陳夏竦何吳少進也
天王居于狄泉此未三年
其稱天王何著又天子也

尹氏立王子朝八月也未
地震冬公如晉至河公有
疾乃復何言乎公有疾乃
復殺恥也

廿有四年春王二月丙戌
仲孫貜卒叔孫舍至自晉

夏五月己未朔日有食之
秋八月大雩丁酉杞伯榘
卒冬吳滅巢葬杞平公
廿有五年春叔孫舍如宋
夏叔倪會晉趙鞅宋樂世
心衛北宮喜鄭游吉曹人

邾婁人滕人薛人小邾婁
人于黃父有鸛鹄來巢何
以書記異也何異爾非中
國之禽也且穴又巢也秋
七月上辛大雩季辛又雩
又雩者何又雩者非雩也

聚眾以逐季氏也九月乙
亥公孫于齊次于揚州齊
侯唁公于野井唁公者何
昭公將弑季氏告子家駒
曰季氏爲無道僭於公室
久矣吾欲弑之何如子家